

## სსრ კავშირის პირველობა ერთპიროვნული ლიდერის როლში

თბილისი. „ლოკომოტივის“ სტადიონი. 13 ივლისი.

„დინამო“ (თბილისი) - „ჩერნომორეცი“ (ოდესა) 2:0 (0:0).

„დინამო“: ურუშაძე, მოძუაშვილი, კანთელაძე, ხურცილავა (რეზერვაშილი), ხინჩაგაშვილი, პეტრიაშვილი, გავაშელი, ასათიანი, მეტრეველი, გ. ნოდია, ლ. ნოდია.

„ჩერნომორეცი“: იარჩუკი, ლისენკო, რეშკო, ზუბკოვი, მოსკვიჩოვი, მასლოვი, პორკუიანი (ბოსი), შიმანოვიჩი (სკურსკი), პროკოპენკო, მიხაილინი, ზვენიგოროდსკი.

მსაჯი ა. კიშკო (ლენინგრადი).

დუბლიორები - 2:2.

დახედეთ გათამაშების ცხრილს: პირველი წრის დასასრულს „ვალი“ თითქმის არავისა აქვს, ჩემპიონატის მონაწილენი გათანაბრდნენ ჩატარებული მატჩების რაოდენობით. მდგომარეობა ყველას ერთნაირი აქვს და I ადგილი ეკუთვნის თბილისის „დინამოს“, ჩვენ ერთპიროვნული ლიდერები ვართ!

ახლა გაიხსენით თასის გათამაშებაც. 25 ივლისს აქ, „ლოკომოტივის“ სტადიონზე, თასის ნახევარდღინალური მატჩები უნდა მივიღოთ ბაქოს „ნეფთი“ და, იმედი გვაქვს შეხვედრის კეთილად დამთავრებისა - გასული ვართ ფინალში!

აი, ასეთი შესანიშნავი პერსპექტივები აქვს ამ ორ ფრონტზე თბილისის „დინამოს“. იგი ორივე დიდ შეჯიბრებას სათავეში უდგას და ახლა, როგორც არასდროს, დინამოელების წინაშე უკიდურესად საპასუხისმგებლო, უპირველესი მნიშვნელობის ამოცანებია დასახული. ყოველ მატჩს, ყოველ გამოსვლას საკუთარ თუ მეტოქის მიმდორზე, თითოეულ ქულას და, თუ გნებავთ, ბურთსაც კი გადამწყვეტი მნიშვნელობა ენიჭება. არ შეიძლება არაფრის დაკარგვა, არ შეიძლება არავითარი შეფერხება ან ნაბიჯის გადადგმა უკან. საჭიროა ძალების მაქსიმალური მობილიზება, ორგანიზებულიობა, ზრუნვა, რათა ესოდენ დიდი შრომითა და ბრძოლით მონაპოვარი წყალში არ ჩაიყაროს. ყველაფერი უნდა შეეწიროს ერთ მაღალ, საპატიო მიზანს: ან ჩემპიონობა, ან თასი! ან ორივე ერთად!

ამ მაღალფარდოვან ტირადას ვამბობთ იმიტომ, რომ გვახსენდება სულ ახლანდელი დანაკარგი: ფრე ორჯონიკიძეში, ფრე ვოროშილოვგრადში და წაგება ბაქოში. 6 შესაძლებელიდან 4 დაკარგული ქულა! ეს რომ არა, ჩვენი გუნდი ერთი თავით მაღლა იქნებოდა თავის უმთავრეს კონკურენტებზე.

იოლი მატჩები, როგორც ხედავთ, არაა. მით უმეტეს, საჭიროა ზღვრული შესაძლებლობებით თამაში. აიღეთ, თუნდაც, განვლილი მატჩი, „ჩერნომორეცთან“. რით უნდა იყოს ეს გუნდი ჩვენთვის საშიში, ისიც საკუთარ მიმდორზე? „ჩერნომორეცი“ აუტსაიდერთა შორისაა, ერთობ სათუოდ აქვს უმაღლეს ლიგაში ადგილის შენარჩუნების შანსები და, საერთოდ, ჩემპიონატის 15 მატჩში სულ გატანილი აქვს 9 ბურთი. აი, ამ გუნდთან შეხვედრაშიც კი ხონჩით არავის მოუტანია 2 ქულა ჩვენთვის. დინამოელებს 90-წუთიანი დაძაბული ბრძოლის გადატანა მოუხდათ, რათა შესაფერისი გამოსახულება მიეცათ თავიანთი უპირატესობისთვის.

თბილისელებმა მთელი ტაიმი გააცდინეს ისე, რომ გოლი ვერ გაიტანეს. ჯერ გავაშელმა მისცა ხელში ბურთი იარჩუკს, მერე მეტრეველმა ვერ გამოიყენა ხელსაყრელი მომენტი, ლ. ნოდია მელს მოახვედრა უძლიერესი დარტყმა, შორიდან მოსინჯეს ოდესელთა მეკარის ძალა ასათიანმა, გ. ნოდია, პეტრიაშვილმა, გოლი მაინც არ იყო.

მასპინძელთა უპირატესობა უდავო და აშკარა იყო, მაგრამ მათს იერიშებში ნაჩქარეობა და ქაოტურობა იგრძნობოდა. ფორვარდები არ „იხსნებოდნენ“ შეტევის გადაწყვეტ ფაზაში და ჯგუფ-ჯგუფად იყრიდნენ თავს. გამონაკლისს წარმოადგენდა მხოლოდ ლ. ნოდია, რომელიც რისხვასავით ატყდებოდა თავს ლისენკოს და მის დამხმარე რეშკოს.

მეორე ტაიმი „დინამომ“ საგრძნობლად გამოასწორა. საქმე მხოლოდ ის არაა, რომ ორივე ბურთი სწორედ ამ პერიოდში გავიდა. ეს შეიძლება, ადრეც მომხდარიყო. შესვენების შემდეგ გუნდი უფრო ორგანიზებულად, დაჯერებულად გამოიყურებოდა, მოთამაშეები გაცილებით უფრო ზუსტად და მოფიქრებულად ასრულებდნენ კომბინაციებს, ნაჩქარეობა შეცვალა ნამდვილმა ოსტატობამ.

საუცხოოდ ჩაატარა მეორე ტაიმი ასათიანმა. მან გათამაშებლის როლი აიღო თავის თავზე და ფორვარდები შემთხვევით მოწოდებული ბურთების ანაბარა კი აღარ იყვნენ, არამედ რეგულარულად გათამაშებული კომბინაციების მუდმივი მონაწილენი გახდნენ. ამას გარდა, მარცხენა ფრთაზე კვლავ არ აძლევდა მცველებს მოსვენებას ლ. ნოდია.

და მოსახდენიც მოხდა: 50-ე წუთზე „ჩერნომორეცის“ კარში საჯარიმო დარტყმა დაინიშნა. მეტრეველმა ბურთი ასათიანს გაუგორა და ამ უკანასკნელმა ძლიერად დაარტყა. ეს იყო პირველხარისხოვანი დარტყმა, რომლის წინაშე იარაღი უძლური აღმოჩნდა – 1:0.

67-ე წუთზე მეტრეველმა კუთხური მიაწოდა. ბურთმა გ. ნოდუასგან ისე სწრაფად გადაინაცვლა გავაშელთან და მერე ბადეში, რომ ოდესეღოთა მცველებმა და მეკარემ ვერაფერი მოასწრეს – 2:0.

გამარჯვების შენარჩუნება დიდ სიძნელეს აღარ წარმოადგენდა, თუმცა ოდესეღოთა ბოლომდე თავგამოდებით იბრძოდნენ მდგომარეობის შესაცვლელად. 2 ქულა, რომლებმაც თბილისის „დინამოს“ ერთპიროვნული ლიდერის „ტიტული“ მოუტანა, აღებულია.

**ბ. ქორქია**

**ლელო 15.07.70**